

四庫全書

史部

欽定四庫全書

欽定續通志卷二百十二

列傳

唐 十二

韋挺

待價萬石

武

楊弘禮

弘武纂

劉德威

審禮延嗣

趙弘智

權萬紀

懷思

閻立德

立本用之

知微

蔣儼

韋機

姜師度

強循

張知審

韋挺京兆萬年人父冲仕隋為民部尚書挺少與隱太子善高祖入長安署隴西公府祭酒累遷太子左衛驃騎檢校左衛率太子遇之厚宮臣無與比武德七年帝避暑仁智宮或言太子與宮臣謀逆又楊文幹反辭連東宮帝責宮臣由是挺與杜淹王珪等皆流雋州未幾召拜主爵郎中貞觀初王珪數薦之累遷黃門侍郎拜御史大夫扶陽縣男太宗謂曰卿之任大夫獨朕意左右無為卿地者挺曰臣駑下不足辱高位且非勲舊願

後臣以勸立功者不聽是時承隋大亂風俗薄惡人不
知教挺上言父母之喪創巨痛深今衣冠士族辰日不
哭謂為重喪親賓來弔輒不臨舉又閭里細人每有重
喪不即發問先造邑社待營辦具乃始發哀至假車乘
雇棺槨以榮送葬既葬鄰伍會集相與酣醉名曰出孝
夫婦之道王化所基故有三日不息燭不舉樂之感今
昏嫁之初雜奏絲竹以窮宴歡並乖禮憲請一切懲革
俄復為黃門侍郎兼魏王泰府事泰貶改太常卿初挺

為大夫時馬周為監察御史挺不甚禮及周為中書令
帝欲用挺周言挺恨於自用非宰相器遂止帝將討高
麗擇主餉運者周言挺才任麤使帝謂然挺父故為營
州總管嘗經略高麗故札藏家挺上之帝悅曰自幽距
遼二千里無州縣吾軍靡所仰食卿為朕圖之苟吾軍
用不乏是公之功其自擇文武官四品十人為予使取
幽易平三州銳士若馬各三百以從即詔河北列州皆
取挺節度許以便宜帝親解貂裘及中殿馬賜之挺遣

燕州司馬王安德行渠作漕驢轉糧自桑乾水抵盧思
臺行八百里渠塞不可通挺以方苦寒未可進遂下米
臺側廩之待凍泮乃運以為解即上言度王師至食且
足帝不悅曰兵寧拙速無工遲我明年師出挺乃度它
歲運何哉即詔韋懷質馳按懷質還劾挺在幽州日置
酒弗憂職不前視渠即造船行粟及至盧思臺乃悟非
是欲進則不得還且水涸六師所須恐不如陛下之素
帝怒遣李道裕代之敕唐臨馳傳械挺赴洛陽廢為民

以白衣從軍帝破蓋牟城詔挺將兵鎮守示復用城與賊新城接日夜轉鬪無休時挺以失職內不平作書謝所善術士公孫常會常以他事繫獄死索索中得挺書意怨望貶象州刺史歲餘卒年五十八子待價萬石待價初為左千牛備身永徽中江夏王道宗得罪待價以壻貶盧龍府果毅時將軍辛文陵招慰高麗次吐護真水為敵所襲待價與薛仁貴率所部兵救之文陵亦苦戰遂免待價重創矢著左足隱不言卒以疾免起為

蘭州刺史吐蕃盜邊為涼州大都督府司馬俄遷肅州
刺史以功召拜右武衛將軍儀鳳三年吐蕃復入寇以
待價檢校涼州都督兼知鎮守兵馬事召還封扶陽侯
武后臨朝攝司空護營乾陵改天官尚書同鳳閣鸞臺
三品待價起武力典選無銓總才朝野共蚩薄之俄為
燕然道行軍大總管禦突厥踰年還拜文昌右相仍同
三品累表辭不聽且請盡力行陣許之於是拜安息道
行軍大總管督三十六總管以討吐蕃進爵為公軍至

寅識迦河與吐蕃合戰勝負略相當會其副閭溫古逗
留又天大寒待價不善撫御師人多死餉乏乃旋師頓
高昌后大怒斬溫古流待價繡州卒曾孫武

武年十一廕補右千牛累遷長安丞德宗幸梁州委妻
子奔行在除殿中侍御史元琇為水陸轉運使表武以
倉部員外郎充判官謀不用杜門數月而琇敗轉刑部
員外郎是時帝以反正告郊廟大兵後典章不完執事
者時時咨武武酌宜約用得禮之衷羣司奉焉後為絳

州刺史鑿汾水灌田萬三千餘頃璽書勞勉憲宗時入
為京兆尹護治豐陵未成卒贈吏部尚書

萬石善音律上元中遷累太常少卿當時郊廟燕會樂
曲皆萬石與太史令姚元辯增損之號任職始萬石奏
太樂博士弟子遭喪者請卒哭追集侍御史劉思立劾
奏萬石官太常首紊風化請付吏論罪高宗方委任萬
石罷其奏後知吏部選事卒於官

楊弘禮字履莊隋尚書令素弟之子與玄感不協當表

其必亂立感誅父岳繫長安獄煬帝使赦之比至岳已
死高祖即位詔弘禮襲清河郡公除太子道事舍人貞
觀中累遷中書舍人太宗征高麗拜兵部侍郎駐蹕之
役領步騎二十四軍跳出賊背所向摧靡帝自山下望
其衆袍仗精整人人盡力壯之謂許敬宗曰越公兒子
故有家風時宰相悉留定州輔皇太子唯褚遂良敬宗
弘禮掌行在機務還拜中書侍郎遷司農卿為崑丘道
副大總管破處密殺焉耆王降馭支部獲龜茲于闐王

凱旋會帝崩大臣疾之下遷涇州刺史永徽初追論其
功遷勝州都督改太府卿卒贈蘭州都督諡曰質弟弘

武

弘武少修謹永徽中累為吏部郎中太子中舍人高宗
東封泰山自荊州司馬擢司戎少常伯從帝還遷西臺
侍郎帝嘗讓曰爾在我司授官多非其才何邪弘武曰
臣妻剛悍此其所屬不敢違以諷帝用后言也帝笑不
罪乾封二年同東西臺三品弘武無他才特謹慎自守

然居職以清簡稱卒贈汴州刺史諡曰恭三子元亨元禧元禧元禧為尚舍奉御善醫武后所信愛嘗忤張易之易之秦素在隋有逆節子孫不可供奉后乃詔素及兄弟有子若孫不得任京官及侍衛貶元亨睦州刺史元禧資州刺史元禧梓州司馬易之誅復任京官並至刺史

纂字續卿弘禮族父大業時第進士為朔方郡司法書佐坐玄感近屬廢居蒲城高祖渡河上謁長春宮遷累

侍御史數上書言事稱旨除考功郎中貞觀初為長安令賜爵長安縣男有告女子袁妖逆者纂按之情不得袁敗太宗惡其不忠將殺之溫彥博救得免後為吏部侍郎抑文雅進黠吏度時舞數以自進終戶部尚書贈幽州都督諡曰恭纂從子昉武后時為肅機宇文化及子訴治先蔭昉方食未即判遽曰肅機而未食庸知天下有冤而求食乎昉怒取牒署曰父弑隋主子訴隋資可乎人服其敏終工部尚書

劉德威徐州彭城人有幹略隋大業末從裴仁基討淮賊手劒賊酋傳行在後歸李密使守懷州密降俱入朝授左武侯將軍封滕縣公詔將兵擊劉武周因判并州總管府司馬齊王元吉棄州遁德威總留府事賊薄城民皆叛附賊遂為武周所獲使率本部徇地涪州得自拔歸盡上賊中虛實高祖嘉納改彭城縣公未幾檢校大理少卿從平洛陽有功轉刑部侍郎加散騎常侍妻以平壽縣主貞觀初歷大理卿綿州刺史政號廉平百姓

立石頌德尋檢校益州大都督府長史入為大理卿太
宗問曰比刑網寢密咎安在德威曰在君不在臣下之
寬猛視主之好律失入者減三失出者減五今坐入者
無辜坐出者有罪所以吏務深文為自營計非有教使
然也帝然其言後遷刑部尚書檢校雍州別駕詔至齊
州按齊王祐獄還半道聞祐反入據濟州詔德威就發
河南兵經略之會母喪免既除為同州刺史永徽三年
卒官年七十一贈禮部尚書幽州都督謚曰襄陪葬獻

陵德威於閨門友睦為人寬平生所得奉祿以分宗親無留藏子審禮

審禮少喪母為祖母元所養隋末大亂道不通審禮尚少自鄉里負祖母度江轉側避地及天下平西入長安元每疾病必親煮藥嘗而進元曰兒孝通幽顯吾一顧念疾輒間貞觀中歷左驍衛郎將父喪免比葬徒跣血流行路咨嘆服除當襲爵讓其弟不聽事繼母尤謹與弟延景友愛得祿多資之而妻子執寒苦晏如

也再從皆同居合二百口內外無間言遷工部尚書檢校左衛大將軍儀鳳三年吐蕃寇涼州副中書令李敬玄討之遇敵青海上與戰敬玄逗撓不前審禮敗為敵執其子尚乘直長殆庶及延景詣闕待罪請入賊以贖有詔審禮徇忠以沒非有罪宜各還職特詔殆庶弟易從省之既至而審禮卒易從晝夜哭不止吐蕃哀其志乃還父尸徒跣萬里扶護以歸當時號孝義劉家審禮贈工部尚書謚曰僖延景字冬日終陝州刺史睿宗初

以後父追贈尚書右僕射陪葬乾陵易從累遷彭城長史任城縣男永昌中為酷吏周興誣構坐死將刑百姓奔走爭解衣投地曰為長吏祈福有司平直乃十餘萬天下冤之子昇年十餘歲流嶺表六道使誅流人昇以信愛為首領所庇免後易姓溫北歸洛景雲中特授右武衛騎曹參軍開元中累遷中書舍人太子右庶子昇能文善草隸

審禮從弟延嗣為潤州司馬徐敬業攻潤州延嗣與刺

史固守城陷敬業邀以降延嗣曰吾世蒙恩今城不守
所負多矣詎能苟生為宗族羞敬業怒將斬之其黨魏
思溫救止繫江都獄敬業敗錄忠當叙以裴炎近親裁
遷梓州長史轉汾州刺史宗族至刺史者二十餘人
趙弘智河南新安人元魏車騎大將軍肅之孫以孝聞
仕隋為司隸從事武德初大理卿郎楚之白為詹事府
主簿太宗時預論譔累遷黃門侍郎兼弘文館學士移
病出為萊州刺史稍遷太子右庶子父事兄弘安俸祿

歸之不敢私弘安卒哀慟過期奉嫂謹甚撫兄子慈均
所生會太子廢免官俄拜光州刺史永徽初入為陳王
師講孝經百福殿諸儒詰難隨問酬悉舌無留語高宗
喜曰試為我陳經之要對曰天子有爭臣七人雖無道
不失天下願以此獻帝悅賜絹二百名馬一四年進國
子祭酒仍為學士卒年八十二諡曰宣弘安亦終國子
祭酒曾孫矜舉明經調舞陽主簿吳少誠反以縣歸歷
襄陽丞客死柳州官為斂葬後十七年子來章始壯自

襄陽往求其喪不得野哭再闋旬卜人秦謝為筮曰金
食其墨而火以貴其墓直丑在道之右南有貴神冢土
是守宜遇西人深目而髯乃得其實明日有老人過其
所問之得於墓直社北遂歸葬弘安墓次時人哀來章
孝皆為出涕云

權萬紀其先出天水後徙京兆萬年父琢玠隋匡州刺
史萬紀性悻直自潮州刺史擢治書侍御史房玄齡王
珪掌内外官考萬紀奏其不平帝命推之魏徵曰玄齡

等皆大臣所考有私萬紀在朝堂無駁正今始彈奏非誠心為國也帝乃止然以萬紀不阿貴近頗獎禮之又建言宇文智及隋逆臣其子不宜任千牛帝從之河內

人李好德以心疾為妖言張蘊古按其獄言不當坐萬

紀劾其阿縱蘊古坐斬

事詳蘊古傳本傳不載

時萬紀與侍御史

李仁發皆以敢言進大臣數被譴怒魏徵諫曰小人以許為直以讒為忠陛下欲以警策羣臣而彼扶恩依勢所彈射皆不實深恐上損聖明帝悟徙萬紀散騎常侍

而免仁發數年召復故官奏言宣饒部中每歲鑿山治銀可得數百萬帝曰朕所乏者嘉謀賢士今卿以利規我欲方我漢桓靈耶斥使還家久之由御史中丞進尚書左丞出為西韓州刺史徙吳王長史王畏其直善待之會齊王祐不奉法帝以萬紀能左右吳王因徙為祐長史祐比昵羣小萬紀驟諫不入遂以聞帝遣劉德威案問因徵祐及萬紀入京祐恐會萬紀先發即遣所親燕宏亮追殺之支解投園中

事詳祐傳

并殺典軍韋文振文

振亦嘗諫祐不聽以告萬紀故并戕之祐誅贈萬紀齊

州都督武都郡公諡曰敬

舊書作敬

文振亦贈左武衛將軍

襄陽縣公萬紀子玄初

舊書作玄福

高宗時兵部侍郎

懷恩萬紀族孫祖弘壽為隋臨汾司倉書佐高祖入長

安擢太僕卿封盧國公卒諡曰恭懷恩襲爵累遷尚乘

奉御御人安畢羅為高宗所寵見帝戲慢不恭懷恩奏

事見之退杖之四十帝嗟賞曰良吏也擢萬年令賞罰

明見惡輒取時人語曰寧飲三斗塵無逢權懷恩歷慶

萊衛邢宋五州刺史洛州長史所居威名赫然吏重足
立姿狀沈毅每盛服妻子不敢仰視嘗過汴州時刺史
楊德幹亦以嚴稱汴橋新成立木中途以止過車懷恩
適見之謂德幹曰民不可止耶焉用此德幹慚服遷益
州大都督府長史卒從子楚璧為左領軍衛兵曹參軍
玄宗在東都楚璧與李齊損等擁兵夜入宮城作亂伏
誅籍其家

按新書為萬紀立傳附載懷恩舊書以
懷恩入循吏傳而萬紀附今從新書

閻立德名讓以字行京兆萬年人父毗隋殿內少監本

以工藝進故立德與弟立本並機巧習藝事武德初為
秦王府士曹參軍從平東都遷尚衣奉御製袞冕等皆
有典法貞觀初擢將作少匠封大安縣男護治獻陵遷
大匠文德皇后崩營昭陵坐弛職免起為博州刺史太
宗幸洛陽詔立德擇爽塏地建離宮清暑乃起裏城宮
於汝州西山費百餘萬既成煩燠不可居坐免未幾復
為大匠就洪州造浮海大航遂從征高麗車駕至遼澤
泥淖亘二百里不可通立德布土作橋軍無留行

按新書布

王作橋事載在還軍時但車駕已過則此路便當通使
命轉軍餉安得復有二百里泥淖未除舊書載在初至
遼澤時與通銕合今從之帝悅厚賜之又規築土山以攻安市城不

克

傳作破安
市城誤

從還營翠微玉華二宮進工部尚書帝崩

復興陵事進爵縣公永徽五年帝幸萬年宮立德留守
因領徒四萬治京城卒贈吏部尚書并州都督陪葬昭
陵諡曰康

立本顯慶中以將作大匠代立德為工部尚書總章元
年以司平太常伯拜右相封博陵縣男初為主爵郎中

時太宗泛舟西苑見異鳥容與波上命侍臣賦詩而召
立本圖狀傳呼者目為畫師既至俯伏池左研吮丹粉
望坐者甚慙歸戒其子勿習然性所好竟不能罷也既
輔政但以俗材應務無所稱述時姜恪以軍功為左相
人因有左相宣威沙漠右相馳譽丹青之嘲咸亨中官
名復舊改中書令卒諡曰文貞

知微立德孫聖厯中為豹韜衛將軍默啜請婚武后遣
知微持金帛送武延秀往默啜謂延秀非天子兒囚之

扶知微入寇以為南面可汗破趙定等州及中宗自房

陵還東宮始棄趙州去因縱知微還后命磔之天津橋

南夷其三族

新書言默啜扶知微入寇朝廷以知微賣國夷其族知微不知逃還武后業已然乃

賜百官甘心馬與舊書所載頗異然通鑑所載知微事尤詳綱目亦多採之大意皆與舊書合通鑑出於實錄

其言較為可據今從之

予則先以武三思壻免死

用之立德曾孫初為彭州參軍攝錄事一日糾不法及
愆謬數十事太守知其材舉通事舍人累遷右衛郎將
知引駕仗金吾將軍李質升殿不解刀呵却之請按法

行罰左右震悚初有司以三衛執扇登殿用之奏三衛
皆趨悍不宜通御座請以宦者代之遂為故事終左金
吾將軍

蔣儼常州義興人舉明經為右屯衛兵曹參軍太宗將
征高麗募為使者莫應儼奮請行既至莫離支以兵脅
之不屈囚土窟中高麗平乃得歸授朝散大夫遷幽州
司馬巡察使劉祥道奏最狀擢會州刺史入為殿中少
監數陳時政利病高宗納之遷蒲州刺史州戶衆獄繁

前政多以罪去儼至發隱禁姦號為良吏永隆二年以老致仕尋召為太僕卿以父諱辭改太子右衛副率中宗在東宮有過儼輒諫不見用時田再巖起處士為洗馬太子所尊禮儼貽書責其不言游巖愧不能答遷右衛大將軍封義興縣子以太子詹事致仕卒年七十八中宗立以舊恩贈禮部尚書

韋機

新書作
弘機

京兆萬年人父恪洛州司馬機貞觀時為

左千牛曹參軍使西突厥冊同俄設為可汗會石國

叛道梗三年不得歸因錄所過風俗物產為西域記還
朝上之帝大悅累遷殿中監顯慶中為檀州刺史還人
不知重儒乃修學宮畫孔子七十二子及漢晉諸儒像
自為贊敦勸生徒俗以大化契苾何力討高麗值潦水
漲留軍三日機輸糧無闕擢司農少卿主東都管田受
詔完葺宮苑宦者犯法杖之後奏帝善之賜絹五十匹
曰後有犯者治勿奏也進司農卿時東都宮室日圯帝
欲更作之而惜其費機曰臣任司農省常費積二十萬

縉足以集事帝大悅詔兼將作少府二職督營宿羽高山上陽等宮上陽制度尤壯麗帝幸東都徙居之僕射

劉仁軌以為非侍御史狄仁傑劾機導上奢泰會機家

人犯盜竟坐免官

按機之免通鑑言仁傑劾奏本傳言坐家人犯盜今兼取之

初方

士朱欽遂為武后所寵姦賊狼藉機以白帝帝遣中使

慰諭遂謫欽遂於邊后銜之永淳中帝召機以布衣檢

校園苑將復用之后倚之而止終檢校司農少卿孫岳

武后時為汝州司馬以辨治稱召授尚舍奉御出為太

原尹以不習武辭忤旨下遷宋州長史歷廬海等州刺史並著風跡睿宗立召為殿中少監竇懷貞等誅坐貶

渠州別駕起陝州刺史卒子景駿別有傳

舊書稱韋機子餘慶餘慶

子岳岳子景駿新書作機孫岳子景駿機孫岳句下脫一岳字遂以景駿為機孫且稱岳為岳子並誤又新書傳末有岳孫臯別有傳句韋臯傳不載未知是否今附於此

姜師度魏州魏人舉明經歷丹陵尉龍岡令有清白稱神龍初試易州刺史兼河北道巡察度支營田使始治溝於薊門以限奚契丹又循漢末故迹並海鑿渠以通

餉路罷海運遷司農卿出為陝州刺史太原倉為水陸
運所湊師度使依高為厰注米於舟以達諸河人得不
勞拜太子詹事玄宗移營州治柳城拜營田度支修築
使進河中尹安邑鹽池涸發卒濬之置鹽屯收利不貲
徙同州刺史引洛水以灌朝邑河西二縣過河以灌通
靈陂收棄地二千頃為上腴置十餘屯帝嘉其功加金
紫光祿大夫賜帛三百匹進將作大匠左拾遺劉彤請
權鹽鐵代貧民賦詔強循與師度會天下按察使議其

法後不行卒年七十餘師度好興作所至繇役紛紜不能皆便然所就必為後世利時太史令傳孝忠以知星名人為語曰孝忠知仰天師度知相地嘲所嗜也

強循字季先鳳州人歷雍州司士參軍華原無井人畜多喝死循始教人治渠灌田人號強公渠歷大理少卿太子右庶子為政不事威嚴遇人盡信不疑然當時恨其少文云

張知謩字匪躬幽州方城人

舊書作蒲州河東人

徙家岐兄弟五

人知玄知晦知秦知默皆明經高第曉吏治調露後知
謩知秦知默並官臺省知謩又歷十一州刺史所至有
威嚴萬歲通天中知謩自德州入計武后奇其貌詔工
圖之以其兄弟容而才謂之兩絕中宗在房州禁察嚴
苛知謩與董元質崔敬嗣相繼為刺史獨供奉不少懈
帝復位召知謩為左衛將軍封范陽郡公而以知秦為
御史大夫封漁陽郡公知秦後以忤武三思出為并州
刺史改魏州卒謚曰定知謩歷東都副留守左右羽林

大將軍同華州刺史大理卿致仕年八十開元時卒知
審敏且亮尤惡干謁求進誠子孫經不明母得應舉世
稱其家法知泰武后初嘗奏置東都諸關十七所百姓
驚擾識者薄之知默與來俊臣周興等掌詔獄數陷大
臣其後以酷吏子孫禁錮為張氏羞知玄子景昇知泰
子景佚開元中並至顯官

將儼韋機姜師度強循張知
泰等舊書並入循吏傳新書

改附於此蓋以與循吏
之實不甚應也今從之

欽定續通志卷二百十二

欽定四庫全書

史部

欽定續通志卷二百三系

六

通政使司副使臣施朝幹履勘

總校官原任侍講臣王燕緒

欽定四庫全書

欽定續通志卷二百十三

列傳

唐

十三

長孫无忌

諡敵

操

褚遂良

諡

韓瑗

來濟

李義琰

義琰

上官儀

長孫无忌字輔機性通悟博涉書史始高祖兵渡河進謁長春宮授渭北道行軍典籤從秦王征討有功累擢

比部郎中上黨縣公太子毒王王病舉府危駭房玄齡
謂无忌曰禍隙已芽敗不旋踵矣夫就大計者遺細行
周公所以絀管蔡也遂俱入白玉請先事誅之王未許
无忌引舜浚井塗廩事喻之王未決事益急乃遣无忌
房玄齡杜如晦定計无忌與尉遲敬德侯君集張公謹
劉師立公孫武達獨孤彥雲杜君綽鄭仁恭李孟嘗討
難平之王為皇太子授左庶子即位遷吏部尚書以功
第一進封齊國公帝以无忌佐命元勲地兼外戚又少

相友眷倚日厚常出入卧内進尚書右僕射突厥頡利可
汗已盟而政亂諸將請遂討之帝顧新盟不取為失機
取之失信計猶豫以問大臣蕭瑀曰兼弱攻昧討之便
无忌曰今我務戢兵待其至乃可擊使遂弱且不能來
我又何求臣謂按甲存信便帝曰善然卒取突厥或有
言无忌權大盛者帝持表示无忌曰我與公君臣間無
少疑使各懷所聞不言則蔽矣因普示羣臣曰朕子幼
无忌於我有大功視之猶子也疏間親新聞舊謂之不

順朕無取焉无忌深以盈滿為誠懇辭機密后又數言
之遂解僕射授開府儀同三司與房玄齡杜如晦尉遲
敬德皆以元勲封一子郡公進冊司空知門下尚書省
事无忌辭又因高士廉口陳以外戚位三公嫌議者謂
天子私后家帝曰朕任官必以才否則雖親若襄邑王
神符不妄授若才雖仇如魏徵不棄也夫緣后兄愛昵
厚以子女玉帛豈不可以其兼文武兩器朕故相之公
等孰不曰然无忌固讓優詔答之帝又思所與共艱難

賴无忌以免作威鳳賦以賜且况其功帝欲功臣並世
襲刺史貞觀十一年乃詔以无忌為趙州刺史以趙為
公國房玄齡為宋州刺史國於梁杜如晦贈密州刺史
國於萊李靖濮州刺史國於衛高士廉申州刺史國於
申侯君集陳州刺史國於陳道宗鄂州刺史王江夏孝
恭觀州刺史王河間尉遲敬德宣州刺史國於鄂李勣
蘄州刺史國於英段志玄金州刺史國於褒程知節普
州刺史國於盧劉弘基朗州刺史國於夔張亮澧州刺

史國於鄴凡十有四人餘官食邑並如故无忌等辭曰
羣臣披荆棘事陛下今四海混一誠不願違遠左右而
使世牧外州與遷徙等又與玄齡上表固辭遂止後帝
幸其第自家人姻婭勞賜皆有差久之進位司徒十七
年令圖畫无忌等二十四人于凌煙閣優詔褒之太子
承乾廢帝欲立晉王未決坐兩儀殿羣臣已罷獨留无
忌玄齡勸言東宮事因曰我三子一弟未知所立吾心
亡聊即投牀取佩刀自向无忌等驚爭抱持奪刀授晉

王而請帝所欲立帝曰我欲立晉王无忌曰謹奉詔異
議者斬帝顧王曰舅許汝矣宜即謝王乃拜帝復曰公
等與我意合天下其謂何答曰王以仁孝聞天下久矣
固無異辭有如不同臣負陛下百死於是遂定以无忌
為太子太師按新書載无忌以太子太師同中書門下
三品且謂同三品自此始考其實不然无
忌為太子太師玄齡為太傅蕭瑀為太保李勣為詹事
皆十七年四月己丑日事是时无忌玄齡已位宰相其
同中書門下三品者謂瑀勣耳本紀及宰相表書以瑀
勣同三品而不及无忌玄齡最可據即百官志亦謂同
三品之名自勣始不云自无忌
始也舊書本無此二句今刪正帝又欲立吳王恪无忌

密爭止之帝征高麗詔攝侍中還辭師傅官聽罷太子
太師遙領揚州都督帝常從容問曰朕聞君聖臣直人
常苦不自知公宜面攻朕得失无忌曰陛下神武聖文
冠卓千古誠不見有所失帝曰朕冀聞過公等乃相諛
說朕當評公等可否以相規謂高士廉心術警悟臨難
不易節所乏骨鯁耳唐儉有辭善和解人酒杯流行發
言可意事朕二十年未嘗一言國家事楊師道性謹審自
能無過而懦不更事緩急非可倚岑文本敦厚文章論

議其所長也謀長經遠自當不負於物劉洎堅正其言
有益不輕然諾於人能自補闕馬周敏銳而正評裁人
物直道而行所任皆稱朕意褚遂良鯁亮有學術竭誠
親於朕若飛鳥依人自加憐愛无忌應對機敏善避嫌
求於古人未有其比總兵攻戰非所善也二十三年帝
疾甚召入卧内帝引手捫无忌順无忌哭帝感塞不得
有所言翊日與遂良入受詔顧遂良曰我有天下无忌
力也爾輔政勿令讒毀者害之有頃崩方在離宮皇太

子悲慟无忌曰大行以宗廟社稷屬殿下宜速即位因祕
不發喪請還宮太子即位是為高宗進无忌太尉檢校
中書令兼知門下尚書二省固辭尚書省許之帝欲立
武昭儀為后无忌固言不可帝密以寶器錦帛十餘車
賜之又幸其第擢三子皆朝散大夫昭儀母復詣其家
申請許敬宗數勸之无忌厲色折拒帝後召无忌遂良
及于志寧言后無息昭儀有子必欲立之者无忌已數
諫即曰先帝付託遂良願陛下訪之遂良極道不可帝

不聽后既立以无忌受賜而不助已銜之敬宗揣后指
陰使洛陽人李奉節上无忌變事與侍中辛茂將臨按
傳致反狀帝驚曰將妄人構間殆其不然敬宗具言反
迹已露陛下不忍非社稷之福帝泣曰我家不幸高陽
公主與我同氣往謀反今舅復爾使我重愧天下奈何
對曰房遺愛口乳臭與女子反安能就事无忌姦雄天
下所畏服一旦竊發陛下誰使禦之今即急恐攘袂一
呼以嘯同惡且為宗廟憂陛下不見隋室乎宇文化及

父宰相弟尚主而身掌禁兵煬帝處之不疑然而起為
戎首遂亡隋願陛下決之帝猶疑更詔審覈明日敬宗
言无忌反明甚請逮捕帝泣曰舅果爾我決不忍殺後
世其謂我何敬宗曰漢文帝舅薄昭從代來有功後坐
殺人帝惜撓法令羣臣喪服就哭之昭自殺良史不以
為失今无忌忘先帝之德捨陛下至親乃欲移社稷敗
宗廟豈特昭比耶在法夷五族臣聞當斷不斷反受其
亂乘機亟行緩必生變无忌與先帝謀取天下天下伏

其智王莽司馬懿之流今逆徒自承何疑而不決帝終
不質問遂下詔削官爵封戶以揚州都督一品俸置于
黔州所在發兵護送流其子祕書監冲等於嶺外從弟
渝州刺史知仁貶翼州司馬後數月又詔司空勣中書
令敬宗侍中茂將等覆按反獄敬宗令大理正袁公瑜
御史宋之順等即黔州暴訊无忌投繯卒冲免死殺族
子祥流族弟思于檀口大抵募親皆謫徙初无忌與遂
良悉心奉國以天下安危自任故永徽之政有貞觀風

帝亦賓禮老臣拱已以聽綱紀設張此兩人維持之也

既二后廢立計不合姦臣陰圖帝暗于聽受卒以屠覆

自是政歸武氏幾至亡國上元元年追復官爵以孫元

翼襲封

舊書載是年以孫延主齊獻公之祀而不及元翼襲封事又考宰相世系表元翼即延之子於

无忌為曾孫疑本傳作孫者誤

初无忌自作墓昭陵塋中至是許還葬

文宗開成三年詔曰每覽國史至太尉无忌未嘗不廢

卷而歎其以裔孫鈞為猗氏令

无忌從父敞字休明隋煬帝為晉王敞以庫直從敗驪

山王凌危逐鹿因啟諫乃止即位頗見識擢及幸江都
留守禁籞高祖入關率子弟謁新豐授將作少監出為
杞州刺史貞觀初坐受賕免太宗以后屬歲私給廩償
其費累封平原郡公卒贈幽州都督諡曰良陪葬昭陵
從父弟操字元節父覽為周大司徒薛國公操有學術
初高祖辟署相國府金曹參軍未幾檢校虞州刺史從
秦王征討嘗侍旁與聞祕謀徙陝州城中無井人勤于
汲操為醢河溜入城百姓利安以母喪解長老守闕頌

遺愛服除封樂壽縣男為齊揚益三州刺史課皆最下
詔褒揚永徽初以陝州刺史卒贈吏部尚書謚曰安
葬給鼓吹至虞罷

子詮尚新城公主詮女兄為韓瑗妻无忌得罪詮流雋
州有司希旨殺之詮有甥趙持滿者工書善騎射力搏
虎走逐馬而仁厚下士京師無貴賤愛慕之為涼州長
史常逐野馬射之矢洞于前邊人畏伏詮之貶許敬宗
懼持滿才能仇已追至京屬吏訊撈色不變曰身可殺

辭不可枉遂死獄中

褚遂良字登善通直散騎常侍亮子隋大業末為薛舉
通事舍人仁果平授秦王府鎧曹參軍貞觀中累遷起
居郎博涉文史工隸楷太宗嘗嘆曰虞世南死無與論
書者魏徵白見遂良帝令侍書帝方博購王羲之故帖
天下爭獻莫能質真偽遂良獨論所出無舛冒者十五
年帝將有事泰山至洛陽星孛太微犯郎位遂良諫曰
陛下方告成岱宗而彗輒見此天意有所未合昔漢武

帝行岱禮優柔者數年臣愚願加詳慮帝寤詔罷封禪
遷諫議大夫兼知起居事帝曰卿記起居大抵人君得
觀之否對曰今之起居古左右史也善惡必記戒人主
不為非法未聞天子自觀史也帝曰朕有不善卿必記
耶對曰守道不如守官臣職載筆君舉必書劉洎曰使
遂良不記天下之人亦記之矣帝以為然

謹按通鑑輯覽

御批居室出言應違決於千里之外鶴鳴聲聞理固不爽太宗既亟欲觀起居注其於易義固未津逮即遂良祕不與觀又何如劉洎一是時魏王泰禮秩如嫡羣臣未敢諫帝言之中綰要乎

從容訪左右曰方今何事尤急遂良曰今四方仰德誰弗率者唯太子諸王宜有定分帝曰有是哉朕年五十日以衰怠雖長子守器而弟支子尚五十人心常念焉公等為我簡賢者保傳之且事人久則情媚熟非意窺窬多由此作於是限王府官僚不得過四考帝嘗問舜造漆器禹雕其俎當時諫者十餘人小物何必爾耶遂良曰奢靡之始危亡之漸也漆器不止必金為之金又不止必玉為之是以諫者救其漸帝咨美之于時皇子

雖幼皆外任都督刺史遂良諫曰陛下誠以至親扞四方雖然刺史民之師帥也得人則一部蘇息失人則合州勞弊故漢宣帝曰與我共治惟良二千石乎臣謂皇子未冠者可且留京師教以經學仰畏天威不敢犯禁養成德器審堪臨州然後敦遣昔東漢明章諸帝友愛子弟雖各有國幼者率留京師訓飭以禮訖其世諸王數十百惟二人以惡敗自餘淪和染教皆為善良此前事已驗惟陛下省察帝嘉納太子承乾廢魏王泰間侍

帝許立為嗣因謂大臣曰秦昨自投我懷中云臣今日始得為陛下子更生之日也臣惟有一子百年後當殺之傳國晉王朕甚憐之遂良曰陛下失言安有為天下主而殺其愛子授國晉王乎陛下昔以承乾為嗣復寵愛秦嫡庶不明紛紛至今若必立秦非別置晉王不可帝泣曰我不能即詔長孫无忌房玄齡李勣與遂良等定策立晉王為皇太子時飛雉數集宮中帝問此何祥也遂良曰昔秦文公時有振子化為雉雌鳴陳倉雄鳴

南陽侯子曰得雄者王得雌者霸文公遂雄諸侯始為
寶鷄祠漢光武得其雄起南陽有四海陛下本封秦故
雌雄並見以告明德帝悅曰人之立身不可以無學遂
良所謂多識君子哉俄授太子賓客薛延陀請婚帝已
納其聘復絕之遂良以為虧信夷狄且生嫌隙不納帝
欲自征高麗遂良固勸無行一不勝師必再興為忿兵
兵忿者勝負不可必帝然之會李勣詆其計帝意遂決
遂良懼上言請譬諸身兩京腹心也四境手足也殊裔

絕域殆非支體所屬高麗王陛下所立莫離支殺之討其逆夷其地固不可失但遣一二勇將付銳兵十萬唾手可取臣聞涉遼而左或水潦平地淖深三尺海壤荒漫決非萬乘所宜行是時帝銳意蕩平不見省進黃門侍郎參綜朝政莫離支遣使貢金遂良曰古者討殺君之罪不受其賂魯納部鼎太廟春秋譏之今莫離支所貢不臣之篚不容受詔可以其使屬吏帝既平高昌歲調兵千人往屯遂良諫不可帝志取西域置其言不用

西突厥寇西州帝曰往魏徵褚遂良勸我立麴文泰子
弟不用其計乃今悔之帝於寢宮側別置院居太子遂
良諫以為朋友深交者易怨父子溺愛者多愆宜許太
子間還東宮近師傅專學藝以廣懿德帝從其言父喪
免起復拜中書令帝寢疾召遂良長孫无忌曰漢武帝
託霍光劉備託諸葛亮朕今委卿矣謂太子曰无忌遂
良在而無憂因命遂良草詔高宗即位封河南縣公進
郡公坐事出為同州刺史再歲召拜吏部尚書同中書

門下三品監修國史兼太子賓客進拜尚書右僕射帝將立武昭儀召長孫无忌李勣于志寧及遂良入或謂无忌當先諫遂良曰太尉國元舅有不如意使上有棄親之機又謂勣上所重當進曰不可司空國元勳有不如意上有斥功臣之嫌吾奉遺詔若不盡愚無以下見先帝既入帝曰罪莫大于絕嗣皇后無子今欲立昭儀謂何遂良曰皇后本名家奉祀先帝先帝疾執陛下手語臣曰我兒與婦今付卿且德音在陛下耳可遽忘之

皇后無他過不可廢帝不悅翊日復言對曰陛下必欲
改立后者請更擇貴姓昭儀昔事先帝身接帷第今立
之奈天下耳目何帝羞默遂良因致笏殿階叩頭流血
曰還陛下此笏丐歸田里帝大怒命引出武氏從幄後
呼曰何不撲殺此獠无忌曰遂良受顧命有罪不加刑
會李勣議異武氏立乃左遷遂良潭州都督吳縝糾繆
曰案高宗
紀永徽六年九月庚午貶褚遂良為潭州都督十月乙
卯立宸妃武氏為皇后宰相表載遂良貶官月日亦同
然則傳所顯慶二年徙桂州未幾貶愛州刺史遂良內
云誤也

憂禍恐死不能自明乃上表曰往者承乾廢岑文本劉洎奏東宮不可少曠宜遣濮王居之臣引義固爭明日仗入先帝留无忌玄齡勣及臣定策立陛下當受遺詔獨臣與无忌二人在陛下方草土號慟臣即奏請即位大行柩前當時陛下手抱臣頸臣及无忌請即還京發哀大告内外寧謐臣力小任重動貽伊戚螻蟻餘齒乞陛下哀憐帝昏懦牽於武后訖不省歲餘卒年六十三後二歲許敬宗李義府奏長孫无忌逆謀皆遂良驅煽

乃削官爵二子彥甫彥冲流愛州殺之帝遺詔聽其家
北還神龍中復官爵德宗追贈太尉文宗時詔以遂良
五世孫虔為臨汝尉安南觀察使高駢表遂良容姿愛
州二男一孫祔咸通九年詔訪其後護喪歸塋陽翟云
遂良曾孫璆字伯玉擢進士第累拜監察御史裏行先
天中突厥圍北庭詔璆持節監總督諸將破之遷侍御
史拜禮部員外郎卒

韓瑗字伯玉京兆三原人父仲良武德初與定律令建

言古法繁紊請崇寬簡以示惟新于是採開皇律宜于
時者定之終刑部尚書秦州都督府長史潁川縣公瑗
少負節行博學曉吏事貞觀中以兵部侍郎襲爵永徽
三年遷黃門侍郎俄同中書門下三品監修國史加銀
青光祿大夫進侍中兼太子賓客王皇后之廢瑗雪泣
言曰皇后乃陛下在藩時先帝所娶今無罪輒廢非社
稷計不納明日復諫曰王者立后配天地象日月匹夫
匹婦尚知相擇況天子乎詩云赫赫宗周褒姒滅之臣

讀至此嘗輟卷太息不圖本朝親見此禍帝太怒詔引出褚遂良貶潭州都督明年瑗上言遂良受先帝顧託一德無二况被遷已閱寒暑其責塞矣願寬無辜以順衆心帝曰遂良之情朕知之矣其悖戾好犯上朕責之詎有過耶瑗對曰遂良社稷臣臣恐蒼蠅點白損陷忠貞非國家之福帝愈不聽瑗憂憤自表歸田里不報顯慶二年許敬宗李義府奏瑗以桂州授遂良桂用武地倚之謀不軌于是更徙遂良愛州貶瑗振州刺史踰年

卒年五十四長孫无忌死義府等復奏瑗與通謀遣使
即殺之既至瑗已死發棺驗視乃還追削官爵籍其家
子孫謫廣州官奴神龍初武后遺詔復官爵自瑗與遂
良相繼死内外以言為諱將二十年帝造奉天宮御史
李善感始上疏極言時人喜之謂為鳳鳴朝陽

來濟揚州江都人父護兒隋左翊衛大將軍宇文化及
難閭門死之濟幼得免轉側流離而篤志為文章善議
論曉暢時務擢進士貞觀中累遷通事舍人太子承乾

敗太宗問侍臣何以處之莫敢對濟曰陛下上不失為
慈父太子得盡天年則善帝納之除考功員外郎十八
年初置太子司議郎高其選而以濟為之兼崇賢館直
學士遷中書舍人永徽二年拜中書侍郎兼弘文館學
士監修國史俄同中書門下三品加銀青光祿大夫封
南陽縣男遷中書令檢校吏部尚書武后有寵特號宸
妃濟與韓瑗諫妃有常員今別立號不可及將立為后
又上疏引周漢故事開陳禍福武氏已立不自安后更

謾言濟等忠鯁恐前經執奏輒懷反仄請加賞慰而實銜之帝示濟及瑗濟等益懼顯慶初兼太子賓客進爵為侯帝嘗從容問馭下所宜濟曰昔齊桓公出遊見老人命之食曰請遺天下食遺之衣曰請遺天下衣公曰吾府庫有限安得而給老人曰春不奪農時即有食夏不奪蠶工即有衣由是言之省徭役馭下之宜也于時山東役丁歲別數萬人又議取庸以償雇紛然煩擾故濟對及之二年兼詹事尋坐褚遂良事貶台州刺史久

之徙庭州龍朔二年突厥入寇濟總兵拒之謂其衆曰
吾嘗絀刑網蒙赦不死今當以身塞責遂不介冑而馳
賊沒焉年五十三贈楚州刺史給靈輜還家初濟與高
智周郝處俊孫處約客宣城石仲覽家仲覽衍于財有
器識待四人甚厚私相與言志處俊曰願宰天下濟及
智周亦然處約曰宰相亦不可冀願為通事舍人足矣
後濟領吏部處約始以瀛州書佐入調濟遽注曰如志
遂以處約為通事舍人皆至公輔濟異母兄恒上元中

為黃門侍郎同中書門下三品兄弟俱以學行稱

李義琰魏州昌樂人其先出隴西望姓及進士第補太
原尉李勣為都督僚吏憚其威義琰獨敢廷辨曲直勣
甚禮之徙白水令有能名擢司刑員外郎義琰姿體魁
秀博學有智識累遷中書侍郎上元中進同中書門下
三品兼太子右庶子高宗欲使武后攝國政義琰與郝
處俊固爭事得寢章懷太子之廢盡赦宮臣罪庶子薛
元超等皆舞蹈義琰獨引咎涕泣搢紳義之帝每顧問

必鯁切不回宅無正寢弟義璉市堂材送之義琰曰以
吾為國相且自愧尚營美宇是速吾禍義璉曰凡仕為
丞尉且崇第舍凡位高安可偪下哉答曰事難全遂物
不兩興既處貴仕又廣居宇非有令德必受其殃卒不
許後其木久腐乃棄之義琰改葬其先使舅家移塋而
兆其所帝聞怒曰是人不可使秉政義琰懼以疾乞骸
骨遷銀青光祿大夫聽致仕乃歸田里公卿以下悉祖
餞通化門外時人比漢疏廣垂拱初起為懷州刺史自

以失武后意辭不拜卒子巢幼豪俊善騎射而不治細
行義琰絕其交游後亡走闕下獻書陳利害拜監察御
史與李義府同按柳爽韓瑗獄遷殿中上書忤旨貶龍
編主簿義琰從祖弟義琛

義琛擢進士第歷監察御史貞觀中文成公主貢金遇
盜于岐州主名不立太宗召羣御史至目義琛曰是人
神情爽拔可使推捕義琛往數日獲賊帝喜為加七階
初義琰使高麗其王據榻召見義琰不拜曰吾天子使

可當小國之君奈何倨見我王詞屈為加禮及義琛再
使亦坐召之義琛匍匐拜伏時人由是見兄弟優劣累
遷刑部侍郎為雍州長史時闕輔大饑詔貧人就食商
鄧義琛恐流徙不還上疏固爭左遷黎州都督終岐州
刺史子綰為柏人令有仁政縣為立祠

上官儀字游韶陝州陝人父弘為隋江都宮副監為陳
稜所殺儀幼匿免冒為沙門服瀋工文詞涉貫墳典貞
觀初擢進士第召授弘文館直學士遷祕書郎太宗每

屬文遣儀視稿宴私未嘗不預轉起居郎高宗即位為
祕書少監進西臺侍郎同東西臺三品儀工詩其詞綺
錯婉媚及貴顯人多效之謂之上官體麟德元年梁王
忠抵罪許敬宗構儀與忠通謀下獄死籍其家詳見武
后傳
子庭芝歷周王府屬亦被殺庭芝女中宗時為昭容追
贈儀為中書令秦州都督楚國公庭芝黃門侍郎岐州
刺史天水郡公以禮改葬

欽定續通志卷二百十三

欽定四庫全書

欽定續通志卷二百十四

列傳

唐十四

于志寧

休烈 琮

鳳 嚴 敬

高季輔

張行成

杜正倫

求仁

咸

崔知溫

知悌

高智周

郭正一

崔敦禮

盧承慶

齊 卿

劉祥道

齊 賢 從一

李敬玄

元素

孫處約

佺

邢文偉

高子貢

于志寧字仲謚京兆高陵人曾祖謹周太師燕國公父
宣道隋內史舍人大業末志寧調冠氏縣長山東盜起
棄官歸高祖入關迎謁長春宮授銀青光祿大夫太宗
為渭北道行軍元帥補記室與殷開山等參謀議薛仁
果平識褚亮於囚虜中遷天策府中郎文學館學士引
亮與同列貞觀三年為中書侍郎太宗嘗宴近臣問志
寧安在有司奏勅召三品志寧品第四

按舊書職官志
中書侍郎舊班

正四品上大歷二年
陞正第三品

帝悟特詔預宴因加散騎常侍太子

左庶子黎陽縣公是時議立七廟羣臣請以涼武昭王
為始祖志寧以涼非王業所因獨建議違之帝詔功臣
世襲刺史志寧以古今事殊非久安之道帝皆從之嘗
謂志寧曰太子幼卿當輔以正道無使邪僻啓其心太
子數有過惡志寧欲止之上諫苑以諷帝見大悅賜黃
金十斤絹三百匹俄兼詹事以母喪免有詔起復本官
固請終喪帝遣岑文本敦譬乃就職時太子以農時造

曲室累月不止又好音樂過度志寧諫以為今東宮乃
隋所營當時號為侈麗豈容復事磨礱彩飾於其間丁
匠官奴皆犯法亡命鉗鑿錐杵往來出入監門宿衛直
長千牛不得苛問牙爪在外廝役在內其可無憂乎又
宮中數聞樂聲太樂官伎輒留不出往年口敕丁寧殿
下可不思之太子不納而左右多任宦官志寧復諫以
為奄宦之徒體非全氣託親近為威權假出納為禍福
杜漸防萌不可不慎太子益不悅東宮僕御舊得番休

而太子不聽又私引突厥與相狎比志寧懷不能已上
疏極言太子大怒遣張師政紇干承基往刺之二人潛
入其第見志寧憔悴在苦塊中不忍殺乃去太子敗帝
知其狀謂曰聞公數諫承乾不聽公故至此是時宮臣
皆罪廢獨志寧蒙勞免晉王為皇太子復拜左庶子遷
侍中永徽元年加光祿大夫封燕國公監修國史二年
洛陽人李弘泰誣告長孫无忌反有詔不待時斬之志
寧以為方春少陽用事不宜行刑且誣謀非本惡逆請

依律待秋分乃決從之衡山公主既公除將下嫁長孫氏志寧以為禮女十五而笄二十而嫁有故二十三年而嫁固知遇喪須終三年春秋魯莊公如齊納幣母喪未再期而圖婚二家不識以其失禮明也今議者云公除從吉此漢文創制為天下百姓耳公主身服斬衰服可以例除情不可以例改心喪成婚非人情所忍於是詔公主待服除乃婚拜尚書左僕射同中書門下三品頃之兼太子少師顯慶元年遷太傅嘗與右僕射張行

成中書令高季輔俱賜田志寧奏臣家自周魏來世居
關中貲業不墜今行成季輔始營產土願以臣有餘賜
不足者帝嘉之分其田以與二人顯慶四年以老乞骸
骨詔解僕射更拜太子太師仍中書門下三品王皇后
之廢長孫无忌褚遂良固爭不見從志寧不敢言武后
以其不右已銜之後因殺无忌坐免官出為榮州刺史
改華州聽致仕卒年七十八贈幽州都督諡曰定後追
復左光祿大夫太子太師志寧愛賓客樂引後進然多

嫌畏不能有所薦達士議少之前後預撰格式律令禮

典五經諸史賞賜不可勝計又嘗與李勣修定本草并

圖合五十四篇行於代玄孫休烈

按新書作曾孫今從舊書及宰相世系表

休烈善文章與會稽賀朝萬齊融延陵包融齊名開元

初第進士又擢制科歷祕書省正字吐蕃金城公主請

文籍四種玄宗詔祕書寫賜休烈上疏曰昔東平王求

史記諸子漢不與之以史記多兵謀諸子雜詭術也東

平漢之懿戚尚不示征戰之書今西戎國之寇讐安可

貽以經典公主下嫁異國反求良書殆有姦人勸導其中若陛下慮失其情示不得已請去春秋夫春秋當周德既衰諸侯強盛征伐競興情偽於是乎生變詐於是乎起誠與之國之患也疏入詔中書門下議侍中裴光庭曰吐蕃不識禮經孤背國恩今漸以詩書陶以聲教斯可致也休烈但見情偽變詐於是而生不知忠信節義亦於是乎在帝曰善遂與之

謹按通鑑輯覽

批
之
論
真
不
值
一
嘆
且
求
書
者
乃
唐
之
公
主
非
吐
蕃
也
彼
吐
批
欲
假
禮
義
以
為
漸
陶
與
慮
資
權
略
而
生
變
詐
書
生
迂
濶

著即欲生變詐亦何藉於觀漢書哉記累遷起居郎直集
載者不特不違事機亦且昧於文義矣

賢殿學士比部郎中楊國忠為宰相斥不附己者出為
中部郡太守肅宗立休烈奔行在擢給事中遷太常少
卿知禮儀事兼修國史帝嘗謂曰良史者君舉必書朕
有過失顧卿何如對曰禹湯罪己其興也勃焉有德之
君不忘規過於時經大盜後史籍燔缺休烈奏國史開
元寶錄起居注及餘書三千八百餘篇藏興慶宮兵興
焚煬殆盡請下御史覈史館所少購府縣有得者許上

送官一書進官一資一篇絹十匹凡數月止獲一二篇
唯韋述以其家藏國史一百三十篇上獻中興文物未完
休烈獻五代論討著舊章天子嘉之轉工部侍郎仍修
國史宰相李揆嫉其與己齊列奏徙休烈為國子祭酒
權留史館修撰以卑下之休烈安然無屑意乾元初始
詔百官元日冬至於光順門賀皇后休烈奏周禮有命
夫朝人君命婦朝女君自顯慶以來則天皇后甫行此
禮而命婦與百官雜處在禮不經帝罷之代宗嗣位甄

別名品元載稱其清諒拜右散騎常侍兼修國史加禮儀使遷太常卿累進工部尚書封東海郡公雖歷清要不治產性恭儉仁愛無喜愠之容樂賢下善推轂士甚衆年老篤意經籍嗜學不厭卒年八十一帝為歎息贈尚書左僕射諡曰元二子益肅及休烈時相繼為翰林學士益天寶初及進士第肅終給事中贈吏部侍郎肅子教

教字蹈中以高才擢進士為祕書省校書郎于時楊憑

李鄴呂元膺相繼辟幕府元和初拜監察御史五遷至
右司郎中進給事中左拾遺龐嚴為元稹李紳所厚與
蔣防俱薦為翰林學士李逢吉誣紳罪逐之而出嚴為
信州刺史防汀州刺史教封還詔書措紳意申嚴枉及
駁奏下乃論貶嚴太輕衆皆嗤譟逢吉乃厚教三遷至
戶部侍郎出為宣歙觀察使教修謹家世用文學進初
為時所稱及居官無所建明不還物以自容名益減卒
贈禮部尚書四子球珪瓌琮皆清顯琮知名

琮字禮用落魄不事事以門資為吏久不調駙馬都尉
鄭顥獨器之宣宗詔選士人尚公主者顥語琮曰子有
美才不飾細行為衆毀所抑能為之乎琮許諾中書舍
人李潘知貢舉顥以琮託之擢第授左拾遺初尚永福
公主主未降食帝前以事折匕箸帝知其不可妻士大
夫更詔尚廣德公主咸通中以水部郎中為翰林學士
遷中書舍人閏五月轉兵部侍郎判戶部八年同中書
門下平章事進中書侍郎兼戶部尚書為韋保衡所搆

檢校司空山南東道節度使三貶韶州刺史保衡敗僖
宗以太子少傅召未幾復為山南節度使入拜尚書右
僕射黃巢陷京師以病卧家巢欲起為相琮辭疾賊迫
脅不止乃曰吾死在旦夕位宰相義不受污賊遂害之
龐嚴字子肅壽州壽春人進士舉賢良方正策第一拜
拾遺辭章峭麗累遷駕部郎中知制誥坐累出復入稍
遷太常少卿太知五年擢京兆尹強幹不阿貴勢然貪
利溺聲色卒于官

高馮字季輔以字行德州蓆人居母喪以孝聞兄元道仕隋為汲令縣人反城應賊殺元道季輔率其黨與縣人戰擒之斬首以祭賊衆威服更歸附之至數千人俄與武陟李厚德將其衆降授陟州總管府戶曹參軍貞觀初拜監察御史彈治不避權要累轉中書舍人列上五事以為今天下大定而刑未措何哉良由謀猷之臣不崇簡易之政臺閣之吏昧于經遠之道故執憲者以深刻為奉公當官者以侵下為益國如尚書八座人主

所責成者也宜擇溫厚修潔者任之敦朴素革浮僞使
家識慈孝人知廉恥自然禮節興禍亂息矣竊見陛下
躬行節儉而營繕未息正丁正匠不能給驅使又和雇
以重勞費人主所欲何求而不得願愛其財毋使殫惜
其力毋使弊畿內數州京師之本土狹人庶儲蓄少而
科役多宜蒙優貸令得休息彊本弱支之義也至江南
河北人頗舒閒宜為差等均量勞逸公侯勲戚之家邑
入俸稍足以奉養而貸息出舉爭求什一下民化之競

為錐刀宜加懲革仕以代耕而今外官卑品皆未得祿夫飢寒切身雖夷惠不能全其行不恤其匱而責其廉正恐巡察歲出輜軒繼軌而浸漁不息也宜及戶口漸繁倉庾且實稍加廩賜使得事父母養妻子然後督責其效則庶官畢力矣密王元曉等俱陛下懿親當正其禮比見帝子拜諸叔諸叔答拜爵封既同當明昭穆願垂訓正以為彛法書奏帝稱善進授太子右庶子數上書切言得失帝賜鍾乳一劑曰而進藥石之言朕以藥

石相報後為吏部侍郎善銓叙人物帝賜金背鏡一况
其清鑒焉久之遷中書令檢校吏部尚書監修國史進
爵蓰縣公永徽初加光祿大夫侍中兼太子少保感疾
歸第有詔以其兄虢州刺史季通為宗正少卿視疾遣
中使日候增損卒年五十八贈開府儀同三司荊州都
督謚曰憲子正業仕至中書舍人坐善上官儀貶嶺表
張行成字德立定州義豐人少師事劉炫炫謂門人曰行
成體局方正廊廟才也大業末察孝廉為謁者臺散從

員外郎後為王世充度支尚書世充平以隋資補穀熟
尉家貧代計吏集京師擢制舉乙科調富平主簿有能
名召補殿中侍御史糾劾嚴正太宗以為能謂房玄齡
曰古今用人未有不因介紹若行成者朕自舉之無先
容也常侍宴帝語山東及關中人意有同異行成曰天
子四海為家不容以東西為限是示人以隘矣帝稱善
賜名馬一錢十萬衣一稱自是有大政事令與議焉累
遷給事中帝嘗謂羣臣朕為人主兼行將相事豈不是

奪公等名行成退上疏以為左右文武誠無將相才奚
用大庭廣衆與之量較損萬乘之尊與臣下爭功哉帝
嘉納之轉刑部侍郎太子少詹事太子駐定州監國謂
曰吾乃送公衣錦過鄉耶令有司祠其先墓行成荐其
里人魏唐卿崔寶權馬龍駒張君劼皆以學行聞太子
召見以其老不可任以事厚賜遣之太子使行成詣行
在帝見悅甚賜勞尤渥還為河南巡察大使稱旨檢校
尚書左丞是歲帝幸靈州詔皇太子從行成諫曰皇太

子宜留監國對百寮曰決庶務既為京師重且示四方
盛德帝以為忠遷侍中兼刑部尚書高宗即位封北平
縣公監修國史時晉州地震不息帝問之對曰天陽也
君象地陰也臣象君宜動臣宜靜今靜者顧動恐女謁
用事大臣陰謀又諸王公主參承起居或伺間隙宜明
設防閑且晉陛下本封應不虛發伏願深思以杜未萌
帝然之詔五品以上極言得失俄拜尚書左僕射太子
少傅永徽四年自三月不雨至五月行成懼以老乞身

制答曰古者策免乖罪己之義此在朕寡德非宰相咎
行成固請帝泣留之不得已復視事未幾卒於尚書省
舍年六十七詔九品以上就第哭比斂三遣使賜內衣
服尚宮宿其家護視贈開府儀同三司并州都督謚曰
定弘道元年詔配享高宗廟廷

按新舊書皆以張易之
昌宗附行成傳後今改

入後幸
此從刪

杜正倫相州洹水人隋世重舉秀才天下不十人而正
倫一門三秀才皆高第為世歆羨調武騎尉太宗素知

名表直秦王府文學館貞觀元年魏徵薦其才擢兵部
員外郎俄遷給事中知起居注帝嘗曰朕坐朝不敢多
言必待有利於民乃出諸口正倫曰臣職左史陛下
一言失非止損百姓且筆之書千載累德帝悅賜綵緞二
百進累中書侍郎與韋挺虞世南姚思廉論事稱旨帝
為設宴具召四人者謂曰我聞神龍可擾以馴然領有
逆鱗嬰者死人君亦有之卿屬遂犯吾鱗補闕失朕其
慮危亡哉思卿至意故舉酒以相樂也各賜帛有差太

子監國詔正倫行左庶子兼崇賢館學士帝謂正倫吾
兒幼未有就德我嘗物物戒之今當監國不得朝夕見
故輟卿于朝以佐太子擢中書侍郎封南陽縣侯仍兼
太子左庶子出入兩宮典機密以辦治稱後太子稍失
道帝語正倫太子數私小人卿可審喻之教而不從其
語我來改正倫顯諫無所避太子不從輒道帝語督切
太子即表聞帝責曰何漏洩我語對曰開示不入故以
陛下語怖之帝怒出為穀州刺史再貶交州都督太子

廢坐受金帶流驪州久之授郢石二州刺史顯慶元年
擢黃門侍郎兼崇賢館學士進同中書門下三品又兼
度支尚書仍知政事遷中書令封襄陽縣公初正倫以
通貴李義府官尚微及同執政不能下中書侍郎李友
益義府族也晚附正倫同撫義府釁缺義府使人告正
倫友益交通罔上有異計高宗惡之出正倫為橫州刺
史流友益峯州正倫卒於貶所

按新書稱正倫鑿杜固以通水利川流如血十

日乃止其事近怪且謂城南諸杜自此不振尤迂誕不足信殆類世之為形家言者託此以神其術而史官無

識播撫及之
今制不載

正倫工屬文嘗與中書舍人董思恭夜直
論文思恭歸謂人曰與杜公評文今日覺吾文頓進無
子以兄子志靜為嗣從子求仁孫咸皆顯名

求仁有雅才永淳中授監察御史坐事為黜令與徐敬
業舉兵為興復府長史死於難咸擢進士第累遷右臺
監察御史牂柯反咸監軍出討賊保壘自固道荒漫師
不能進咸乃息士示不欲戰陰伺之時旱暑風熾咸縱
火譟而前賊眩怖相失自騰踐死擒其酋遂平之遷侍

御史出為汾州長史開元中為河北按察使坐用法深貶睦州司馬

崔知溫字禮仁許州鄆陵人仕為左千牛稍遷靈州司馬境有渾斛薩萬帳數擾齊民農皆釋耒習騎射以扞賊知溫表徙河北彼不樂遷將軍契苾何力為言乃止知溫固請疏十五報卒徙河北自是人得就耕渾斛薩至徙地顧善水草亦忘遷後入朝過州謝曰初徙且怨公今地膏腴衆孽息更荷公恩皆再拜四遷蘭州刺史

党項羗三萬入寇州兵寡衆懼不知所出知溫開關不設脩羗怪之不敢進俄會將軍權善才率兵至大破其衆善才欲窮追取之知溫曰古善戰弗逆奔且谿谷復深草木荒延萬一有變恐悔善才曰善分降口五百贈知溫辭曰我議公事圖私利耶累遷尚書左丞轉黃門侍郎修國史永隆初以秩卑特詔同門下三品兼修國史遷中書令卒年五十七贈幽州大都督諡曰忠子泰之開元時為工部尚書諤之為將作少匠與誅二張功

封博陵縣侯實封二百戶終少府監

兄知悌亦至中書侍郎與戴至德郝處俊李敬玄等同
賜飛白書贊而知悌敬玄以忠勤見表遷尚書左丞裴
行儉之破突厥斬泥孰匐殘落保狼山詔知悌馳往定
襄慰將士佐行儉平遁寇有功終戶部尚書

高智周常州晉陵人第進士補越王府叅軍遷費令與
丞尉均取俸民安其化刻石頌美入擢祕書郎弘文館
直學士三遷蘭臺大夫孝敬在東宮與司文郎中賀欽

司經大夫王真儒並為侍讀得告還鄉里歎曰進不知
退取禍之道也即移病去俄拜壽州刺史其治尚文雅
行部先見諸生質經義及政得失既乃錄獄訟考耕餉
勤惰以為常遷正諫大夫黃門侍郎儀鳳初進同中書
門下三品遷太子左庶子是時崔知溫劉景先修國史
故智周與郝處俊監泣久之罷為御史大夫與薛元超
裴炎同治章懷太子獄無所同異固表去位高宗美其
緊授右散騎常侍請致仕聽之卒年八十二贈越州都

督諡曰定

按新書智周傳附載石仲覽蔣子慎二事仲覽事已見於來濟傳中無庸複出至蔣氏子

孫在安史及朱泚時皆汙偽官而此稱其累葉貴顯有清白名與喬琳傳所記尤乖異吳氏糾繆從之甚當今不取

郭正一定州鼓城人貞觀時由進士第歷中書舍人

弘文館學士永隆中遷秘書少監檢校中書侍郎詔與

郭待舉岑長倩魏玄同並同中書門下承受進止平章

事平章事自正一等始

按本紀及宰相表此事在永淳元年傳誤

永淳中真

遷中書侍郎執政久明習故事文辭詔敕多出其手劉

審禮與吐蕃戰青海大敗高宗召羣臣問所以制戎正

一曰吐蕃曠年梗寇師數出生費糧貲近討則喪威深入則不能得其巢穴今上策莫如少募兵且明烽候勿事侵擾須數年之遲力有餘人思戰一舉可破矣劉齊賢皇甫文亮等議亦與正一合帝納之武后專國罷為國子祭酒出檢校陝州刺史與張楚金元萬頃皆為周興所誣構殺之籍入其家妻息流放文章無存者

崔敦禮

舊書本名元禮高祖改今名

字安上祖仲方在隋為禮部尚

書其先博陵著姓魏末徙為雍州咸陽人敦禮涉書傳

矜節義武德中官通事舍人善詞令進止觀者皆竦動
嘗持節幽州召廬江王瑗瑗已舉兵執之脅問朝廷事
敦禮不為言太宗壯之還為左衛郎將賜金幣良馬擢
中書舍人累遷兵部侍郎出為靈州都督召還拜兵部
尚書詔輯撫回紇鐵勒部姓會薛延陀寇邊與李勣合
兵破之置祁連州處其餘衆瀚海都督回紇吐迷度為
下所殺詔往綏定立其嗣而還敦禮通知外國情偽少
慕蘇武為人故屢使突厥前後建明允會事機永徽四

年拜侍中監修國史累封固安縣公進中書令兼檢校
太子詹事以久疾自言不任事奉兩宮更拜太子少師
同中書門下三品弟餘慶時為定襄都督府司馬召使
侍疾卒年六十一高宗為舉哀東雲龍門賻布祕器尤
厚贈開府儀同三司并州大都督諡曰昭陪葬昭陵餘
慶位亦至兵部尚書

盧承慶字子餘幽州涿人隋散騎侍郎思道之孫父赤
松為河東令與高祖雅故聞兵興迎見霍邑拜行臺兵

部郎中終率更令范陽郡公承慶美儀矩博學而才少襲爵貞觀初為秦州叅軍入奏軍事太宗偉其辨擢考功員外郎累遷民部侍郎帝問歷代戶版承慶叙夏商至周隋增損曲折引據該詳帝嗟賞俄兼檢校兵部侍郎知五品選辭曰選事在尚書臣掌之為出位帝不許曰朕信卿卿何不自信歷雍州別駕尚書左丞永徽時坐事貶蘭州司馬閱歲改洪州長史帝將幸汝州湯泉拜汝州刺史顯慶四年以度支尚書叅知政事尋同中

書門下三品坐調非法免俄拜潤州刺史進拜刑部尚
書以金紫光祿大夫致仕卒臨終戒其子曰死生至理
猶朝有暮吾死歛以常服晦朔無薦牲奠勿卜日器用
陶漆棺而不槨墳高可識碑誌著官號年月毋用虛文
贈幽州都督諡曰定初承慶典選校百官考有坐漕舟
溺者承慶以失所載考中下以示其人無愠也更曰非
力所及考中中亦不喜承慶嘉之曰寵辱不驚考中上
其能著人善類此

謹按通鑑輯覽

監運損糧當有定考乃以容色之間屢為改注直舞文法耳此蓋踵六朝惡習而不知其蠹政之甚曉政體者
也
弟承業承泰承業繼為雍州長史尚書左丞有能名

承泰子齊卿長安初為雍州叅軍武后詔長史薛季昶
擇僚吏堪御史者季昶訪於齊卿齊卿白長安尉盧懷
慎李休光萬年尉李乂崔湜咸陽丞倪若水藍屋尉田
崇璧新豐尉崔日用季昶用其言後皆為通顯巨人及
拜幽州刺史而張守珪隸果毅齊卿厚遇之曰君十年
之後必至節度使已而果然喜飲酒踰斗不亂寬厚樂

易士友以此親之終太子詹事廣陽縣公承慶從孫藏
用別有傳

劉祥道字同壽魏州觀城人父林甫武德時為內史舍
人典機密以才稱與蕭瑀等撰定律令著律議萬餘言
歷中書吏部二侍郎賜爵樂平縣男唐沿隋制十一月
選集至春停日薄事叢有司不及研諦林甫建請四時
聽選隨到輒擬於是官無滯人始天下初定州府及詔
使以赤牒授官至是罷悉集吏部調至萬員林甫隨才

銓錄咸以為宜論者方隋高孝基祥道少襲爵歷御史中丞顯慶中遷吏部黃門侍郎知選事既世職乃釐補敝闕上疏陳六事一曰今取士多且濫入流歲千四百多也雜色入流未始銓汰濫也故共務者善人少惡人多臣謂應雜色進者切責有司試判為第四等第一付吏部二付兵部三付主爵四付司勳若坐肩當責雖經赦仍配三司不者還本貫則官不雜矣二曰内外官一品至九品萬三千四百六十五員大抵三十而仕六十

而退取其中數不三十年存者畧盡若歲入流五百人
則三十年自相充補況三十年外在官猶多不慮其少
今入流歲千四百其倍兩之又停選六七千人復年別
新加其類寔廣殆非經久之制三曰永徽以來在官者
或以善政擢論事者或以單言進而庠序諸生未聞甄
異是獎勵之道未周也四曰唐有天下四十年未有舉
秀才者請自六品以下至草野審加搜訪無令赫赫之
辰斯學遂絕五曰唐虞三載考績黜陟幽明二漢用人

亦久其職令任官率四考罷官知秩滿則懷去就民知
遷徙則苟且以去就之官臨苟且之民欲移風振俗烏
可得乎請四考進階八考聽選以息迎新送故之弊六
曰三省都事主事主書比選補皆取流外有刀筆者雖
欲參用士流率以傳類為恥前後相沿遂成故事且掖
省崇峻王言祕密尚書政本人物所歸專責曹史理有
未盡宜稍革之以清其選會中書令杜正倫亦言入流
者衆為官人弊乃詔與祥道叅議而執政憚改作又以

勲戚子進取無他門遂格稍遷司刑太常伯每覆大獄必歛歔累歎奏決日為再不食詔巡察關內道多振寬滯兼沛王府長史麟德元年拜右相祥道性審謹居宰相憂畏不自堪數陳老病丐解坐與上官儀善罷為司禮太常伯高宗封泰山有司請太常卿亞獻光祿卿終獻祥道建言三代六卿重故得佐祠漢魏以來權歸臺省九卿為常伯屬官今封岱大禮不以八座用九卿無乃徇古名亡實事乎帝可其議以司徒徐王元禮亞獻

祥道終獻禮成進爵廣平郡公乾封元年以金紫光祿大夫致仕卒年七十一贈幽州都督諡曰宣子齊賢襲爵

齊賢後改名景先由侍御史出為晉州司馬帝以其方直尊憚之時將軍史興宗從獵苑中言晉州出佳鷄可捕取帝曰齊賢豈捕鷄人耶累遷黃門侍郎永淳元年進同中書門下平章事武后時代裴炎為侍中辨炎不反后怒左遷普州刺史道賤吉州長史永昌中為酷吏

所陷繫州獄自經死建中三年贈太子太保齊賢三世
皆為兩省侍郎及典選叔父應道從父弟令植等八人
前後為吏部郎中員外世以為罕

令植孫從一擢進士宏詞第調渭南尉為常袞盧杞所
厚薦授監察御史普王討李希烈表為元帥判官德宗
居奉天超拜刑部侍郎同中書門下平章事從幸梁州
改中書侍郎貞元初以疾自乞罷為戶部尚書卒贈太
子太傅

李敬玄亳州譙人該覽羣籍善於五禮高宗在東宮馬
周薦其材召入崇賢館侍讀假中祕書讀之為人竣整
然造請不憚寒暑許敬宗頗薦延之歷西臺舍人弘文
館學士遷右肅機檢校太子右中護總章二年拜西臺
侍郎同東西臺三品兼檢校司列少常伯時員外郎張
仁禕有敏才敬玄委以曹事仁禕為造姓厯狀式銓簿
鉗鍵周密病心大勞死敬玄因其法衡綜有序自永徽
後選員寢多惟敬玄居職有能稱性彊記雖官萬員遇

諸道未嘗忘姓氏有來訴者口諭書判參舛及殿累本
末無少繆天下服其明杭州參軍徐太玄有同僚張惠
以賊抵罪太玄哀惠母老乃詣獄自言與惠偕受薄其
罪惠不得死太玄坐免官十年敬玄廉知之擢為鄭州
司功參軍太玄由是知名後仕至祕書少監申王師以
德行聞其鑒拔率若此咸亨二年轉中書侍郎又改吏
部兼太子右庶子同中書門下三品監修國史進吏部
尚書居選部久人多附嚮凡三娶皆山東舊族又與趙

李氏合譜故臺省要職多族屬姻家高宗知之不悅儀鳳元年拜中書令封趙國公劉仁軌西討吐蕃有所建請敬玄數持異由是有隙因奏河西鎮守非敬玄不可敬玄辭以非將帥才且仁軌逞憾故彊臣以不能帝厭之因曰仁軌若須朕朕且行卿安得辭乃拜洮河道大總管兼鎮撫大使檢校鄯州都督統兵十八萬代仁軌與吐蕃將論欽陵戰青海使劉審禮為先鋒鏖敵敬玄按軍自如審禮戰歿尚鼠首不進乃頓承風嶺又沮溝

淖莫能前賊屯高壓其營偏將黑齒常之率死士夜擊賊敬玄始得至鄯州又戰湟川遂大敗數稱疾求罷歸許之既入見不引謝即還府視事帝察之實不病貶衡州刺史久之遷揚州長史卒官贈兗州都督諡曰文憲撰次禮論及它書數十百篇二子思冲守一思冲神龍初歷工部侍郎左羽林軍將軍從節愍太子誅武三思見殺籍其家守一耶令孫紳別傳

敬玄弟元素為武德令刺史李文暕橫調民黃金造常

滿尊以獻官屬無敢諫元素固爭文暎為少損更以私財助之延載初繇文昌左丞遷鳳閣侍郎同鳳閣鸞臺平章事為武懿宗所構與綦連耀等同誅神龍中追洗其辜

孫處約始名道茂汝州郟城人貞觀中為齊王祐記室祐多過失數上書切諫王誅帝得其書咨嘆之擢中書舍人高宗即位杜正倫請增舍人員帝曰處約一人足辦我事止不除以論撰勞數賜段物再遷司禮少常伯

麟德元年以西臺侍郎同東西臺三品為少司成以老

致仕卒

按舊傳載虔約與李勣許敬宗同知國政在永徽年間而顯慶中即以老致仕與新書叙次先

後迎異考新舊本紀及通鑑皆與新傳合知舊史誤也

子佺延和初為羽林將軍

幽州都督率兵十二萬討奚李大酺分三屯以副將李

楷洛周以悌領之次冷硎楷洛與大酺戰不勝壯校多

沒佺氣襁乃紹言天子詔我招慰楷洛違詔妄戰當斬

遣人謝大酺大酺曰審爾願出天子賜明不欺佺拏聚

軍中幣萬餘匹悉袍帶并與之大酺知佺詐好語勸引

還而佺部伍離沮奚逼之大敗死者數萬佺以悌同見
獲送默啜所殺之

邢文偉滁州全椒人與歷陽高子貢壽春裴懷貴俱以
博學聞咸亨中歷太子典膳丞時孝敬罕見宮臣文偉
輒減所供膳上書曰古者太子既冠則有司過之史虧
膳之宰史不書過死之宰不徹膳死之皇帝簡料英俊
自庶子至司儀舍人學士侍讀使佐殿下成就聖德比
者不甚廷議謁對稀簡三朝之後與內人獨居何由發

揮天資使濬哲文明哉今史既闕官宰得奉職謹守禮
經以聞太子答曰幼嗜墳典耽誦致勞比苦風虛奉陞
下恩旨不許彊勉加以趨侍朝夕屢闕坐朝乖廢學緒
觀尋來請良符宿志自非義均解諧渠能進此藥石文
偉由是益知名後右史缺高宗謂侍臣曰文偉切諫吾
兒此直臣也遂授之武后時累遷鳳閣侍郎兼弘文館
學士載初元年為內史按宰相表載初元年文偉同鳳閣鸞臺平章事其守內史則在天授元年宗秦客以姦賊抵罪文偉坐所善貶珍州刺
二月也

史會它使者至文偉內恃自經死

高子貢善學太史書與朱敬則善擢明經歷祕書省正字
弘文館直學士不得志因棄官去徐敬業起兵弟敬猷
統兵五千逼和州子貢率鄉人數百拒之賊引去以功
擢朝散大夫為成均助教東莞公融嘗為和州刺史從
子貢受業及融謀舉兵令黃公譔見子貢推為謀主書
疏往返因結諸王內應謀泄坐死

欽定續通志卷二百十四